



**N**ami nitaweka uadui kati yako na huyo mwanamke, na kati ya uzao wako na uzao wake; huo utakuponda kichwa, na wewe utamponda kisigino.—  
**Mwanzo 3:15.**

Uadui wa pale Edeni unaozungumziwa katika unabii haukumhusu tu Shetani na Mfalme wa uzima. Ulikuwa ni uwe kwa ajili ya ulimwengu wote. Shetani na malaika zake walikuwa wapate hisia ya uadui wa wanadamu wote. “Nitaweka uadui,” Mungu alisema, “kati yako na huyo mwanamke, na kati ya uzao wako na uzao wake.”

Uadui uliowekwa kati ya uzao wa nyoka na uzao wa mwanamke haukuwa wa kiwango cha kawaida cha kidunia. Kwa Kristo, uadui ulikuwa kwa namna fulani wa asili ya kidunia; lakini kwa namna nyingine haukuwa wa kidunia, kwani ubinadamu na Ungu viliungana. Kamwe uadui haukuwa umewahi kufikia kiwango cha juu hivyo kama ilivyokuwa wakati Kristo alipokuja na kuwa mkazi wa dunia hii. Kamwe kulikuwa hakujawa na nafsi katika dunia iliyochukia dhambi kwa chuki kamilifu kama Kristo alivyokuwa. Yeye alikuwa ameona nguvu Yake inayodanganya, inayopumbaza kwa malaika waliokuwa watakatifu, na nguvu Zake zote zilitumika dhidi yake.

Usafi na utakatifu wa Kristo, haki isiyo na mawaa Yake, Yeye ambaye hakutenda dhambi, vilikuwa kemeo la kudumu dhidi ya dhambi yote katika dunia yenye kupenda anasa na dhambi. Maishani Mwake, nuru ya ile kweli ilianguzwa kati ya giza la kimaadili ambalo kwa hilo Shetani alikuwa ameizinga dunia. Kristo aliweka wazi uongo na tabia ya udanganyifu ya Shetani, na ndani ya mioyo ya wengi, Aliharibu mvuto wake unaopotosha. Hili ndilo lililomchochea Shetani kuwa na chuki Kali hivyo. Akiwa na jeshi lake la viumbe walioanguka dhambini alikusudia kusukuma vita kwa bidii sana; kwani hapa duniani alikuwa amesimama Yeye aliyekuwa mwakilishi mkamilifu wa Baba, Yeye ambaye tabia Yake na matendo Yake ilikanusha tafsiri mbaya ya Mungu. Shetani alikuwa amemlaumu Mungu kwa tabia ambazo yeye mwenyewe ndiye aliyekuwa nazo. Sasa katika Kristo alimwona Mungu akidhihirishwa katika tabia Yake ya kweli — mwenye huruma, Baba mwenye rehema, asiye radhi kwamba yeyote aangamie, bali wote wamjie Yeye katika toba na kupata uzima wa milele.

Hali nizito sana ya kidunia imekuwa moja ya majaribu ya Shetani yenye mafanikio makubwa sana. Yeye anakusudia kuweka mioyo na akili za watu katika kushikiliwa sana na mivuto ya kidunia kiasi kwamba hakutakuwa na nafasi kwa ajili ya mambo ya kimbingu. Yeye huwa anatawala akili zao kwa namna wanavyoipenda dunia. Mambo ya kidunia yanapunguza nguvu ya mambo yale ya kimbingu, na kwa namna hiyo kumweka Bwana nje ya mwonekano na uelewa wao...

Shetani aliweza tu kufikia kisigino; hakuweza kugusa kichwa. Wakati wa kifo cha Kristo, Shetani aliona kwamba ameshindwa. Aliona kwamba tabia yake ilikuwa imefunuliwa mbele za mbingu yote, na kwamba viumbe wa kimbingu na ulimwengu uliombwa na Mungu, vyote vingekuwa upande wa Mungu.... Ubinadamu wa Kristo ndiyo ambao ungedhihirisha milele hoja iliyotatua pambano hili (Selected Messages 1:254, 255).